

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA MAGLAJ  
OPĆINSKA IZBORNA KOMISIJA  
Broj: OIK-4/25  
Maglaj, 03.01.2025. godine

FEDERACIJA BOSNE I HERCEGOVINE  
OPĆINA MAGLAJ  
Služba za boračko-invalidsku i socijalnu zaštitu,  
opću upravu i društvene djelatnosti

PRIMLJENO	15.01.2025.		
Org. jedinica	Klasif. oznaka	Redni broj	Broj priloga
		400	

OPĆINA MAGLAJ

- SLUŽBA OPĆINSKOG NAČELNIKA I OPĆINSKOG VIJEĆA MAGLAJ

**PREDMET:**

- Izvještaj o radu Općinske izborne komisije Maglaj za 2024. godinu
- Program rada Općinske izborne komisije Maglaj za 2025. godinu

Poštovani,

U prilogu dostavljamo navedene Akte Općinske izborne komisije Maglaj.

**PRILOG:**

- Izvještaj o radu Općinske izborne komisije Maglaj za 2024. godinu
- Program rada Općinske izborne komisije Maglaj za 2025. godinu



PREDSJEDNIK OIK MAGLAJ  
Armin Bašić, mag.iur.

1. The first part of the document discusses the importance of maintaining accurate records of all transactions. This is essential for ensuring the integrity of the financial statements and for providing a clear audit trail. The second part of the document outlines the various methods used to collect and analyze data, including interviews, surveys, and focus groups. The third part of the document describes the results of the study, which show that there is a significant correlation between the use of accurate records and the reliability of the financial statements. The fourth part of the document discusses the implications of these findings for practice and for future research. The fifth part of the document provides a conclusion and a list of references.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA MAGLAJ  
OPĆINSKA IZBORNA KOMISIJA  
Broj: OIK-1/25  
Maglaj, 03.01.2025. godine

## IZVJEŠTAJ O RADU OPĆINSKE IZBORNE KOMISIJE MAGLAJ ZA 2024. GODINU

Općinska izborna komisija Maglaj (u daljem tekstu: OIK Maglaj) prema Izbornom zakonu BiH, obavlja sljedeće aktivnosti:

1. nadgleda i kontroliše rad Centra za birački spisak,
2. određuje biračka mjesta na području općine za glasanje na svim nivoima vlasti u Bosni i Hercegovini,
3. provodi postupak imenovanja, imenuje i obučava članove biračkog odbora,
4. brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini,
5. obavještava birače o svim informacijama neophodnim za provedbu izbora, u skladu sa propisima Centralne izborne komisije BiH,
6. odgovorna je za uređenje biračkog mjesta i druge tehničke pripreme za izbore,
7. odgovorna je za pravilno brojanje glasačkih listića na biračkim mjestima i u općinskim centrima za brojanje,
8. objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Centralnoj izbornoj komisiji BiH i
9. obavlja druge poslove u skladu sa zakonom i propisima Centralne izborne komisije BiH.

Imajući u vidu gore navedene nadležnosti u nastavku izvještaja donosimo kratak pregled najznačajnijih izbornih aktivnosti koje su provedene od strane OIK Maglaj u 2024. godini.

## 1. SASTAV/ ČLANOVI OPĆINSKE IZBORNE KOMISIJE MAGLAJ

U 2024. godini OIK Maglaj je brojala 5 članova, te nije imala sekretara, već su te poslove obavljali uposlenici Centra za birački spisak Maglaj.

## 2. BIRAČKA MJESTA

OIK Maglaj je u zakonom propisanom roku odredio 31 biračko mjesto (jedno biračko mjesto za glasanje u odsustvu i za glasanje nepotvrđenim glasačkim listićima koji se nalazilo u sklopu redovnog biračkog mjesta 042A004- Maglaj), te jedan mobilni tim.

U odnosu na prethodne izbore, biračko mjesto 042A027-Oruče je pripojeno biračkom mjestu 042A014-Ravna. Razlog spajanja ova dva biračka mjesta je broj birača koji je manji od 300 na ranijem biračkom mjestu 042A027-Oruče. Biračko mjesto 042A021-Tujnica (ima manje od 300 birača) je također trebalo biti pripojeno najbližem biračkom mjestu, ali je OIK Maglaj procijenila da ovo biračko mjesto ima osnova da ostane kao redovno biračko mjesto, kako na ovim izborima, tako i na narednim. Za naredne izbore pripojit ćemo jednu ulicu, te ćemo na taj način ispoštovati propisan broj birača za biračko mjesto 042A021- Tujnica.

Za objekte u kojima su bila biračka mjesta izabrane su škole, prostorije mjesnih zajednica, društveni domovi, te privatni poslovni prostori. Za razliku od prethodnih izbora, 3 biračka mjesta su bila smještena u privatnim poslovnim prostorima. Važno je napomenuti da je OIK Maglaj izvršio krajnji napor da zadrži postojeće lokacije biračkih mjesta, s obzirom da su određene promjene u pravilnicima uzrokovale i promjene koje su se odnosile na uslove u prostorijama koje su bile određene kao biračka mjesta.

Prema našim procjenama 27 biračkih mjesta ima uslove za nesmetano glasanje, dok 4 mjesta imaju otežane uslove zbog manje površine prostorija u kojima se obavlja glasanje; dok 6 biračkih mjesta nemaju adekvatan pristup osobama sa invaliditetom.

## 3. IMENOVANJE I OBUKA BIRAČKIH ODBORA

OIK Maglaj je izvršio u zakonom predviđenom roku imenovanje članova biračkih odbora, dok su obuku za predsjednike i zamjenike predsjednika održali instruktori imenovani od strane CIK BiH.

OIK Maglaj je imao poteškoća sa velikim brojem odustajanja od članstva u biračkim odborima, te je OIK Maglaj uložila velike napore kako bi adekvatno popunila biračke odbore.

Od ukupno 248 članova i zamjenika članova biračkih odbora za koja su politički subjekti imali pravo da predlože svoje prijedloge, dostavljeno je 176 prijedloga za članove i zamjenike članova biračkih odbora. Ostale članove je imenovala OIK Maglaj sa liste rezervnih članova.

Zbog odustajanja od članstva u biračkim odborima broj imenovanih članova i zamjenika članova biračkih odbora sa liste rezervnih članova koju je sačinila OIK Maglaj na dan izbora je iznosio 114 članova i zamjenika članova biračkih odbora.

#### 4. AKREDITOVANJE POSMATRAČA

OIK Maglaj je izvršio akreditovanje svih predloženih posmatrača, te dostavio uredno popunjenje iskaznice za sve posmatrače zajedno sa odlukom o imenovanju posmatrača svim političkim subjektima koji su predložili posmatrače. Rad biračkih odbora su pratili i posmatrači nevladinih organizacija, kao i međunarodni posmatrači.

#### 5. PROCES GLASANJA

Sva biračka mjesta su bila uredno i adekvatno pripremljena za proces glasanja.

Svi birački odbori su na vrijeme u 07.00 sati otvorili, te u 19.00 sati zatvorili biračka mjesta. Proces glasanja je prošao bez poteškoća i incidenata na biračkim mjestima.

#### 6. UNOS I OBRADA IZBORNIH REZULTATA

Na unosu i obradi izbornih rezultata, pored zaposlenika Centra za birački spisak bili su angažovani i članovi općinske administracije. Važno je istaknuti da osobe koje su radile na unosu i obradi podataka su svoj posao obavile korektno.

#### 7. KOMUNIKACIJA SA POLITIČKIM SUBJEKTIMA

OIK Maglaj je svoje akte objavljivao na službenoj stranici Općine Maglaj, te na oglasnoj tabli Općine Maglaj. Veći broj akata je objavljen i na RTV Maglaj, te lokalnim web portalima. OIK Maglaj je sve akte koji se odnose na političke subjekte dostavljao i putem e-maila političkim subjektima.

## 8. KORIŠTENJE NOVČANIH SREDSTAVA OPĆINE MAGLAJ

U cilju transparentnosti trošenja novčanih sredstava, OIK Maglaj je podnosio obrazložene pismene zahtjeve za svaki pojedinačni transfer Općinskom načelniku i nadležnoj općinskoj službi, te je nakon izvršenih isplata dostavljao nadležnoj službi Akt sa dokazima kojima je pravdan utrošak dobijenih sredstava.

## 9. EDUKACIJE I SASTANCI

U toku 2024. godine članovi OIK Maglaj su učestvovali na brojnim obukama održanim od strane CIK BiH. Pored članova OIK Maglaj i kontrolori izbornih rezultata su bili obavezni da prisustvuju obukama koje su održane za kontrolore, kao i provjerama znanja koje je CIK BiH propisala kako za članove OIK, tako i za kontrolore izbornih rezultata.

*Izveštaj dostavljamo po zahtjevu Centralne izborne komisije BiH, jer je odredbom člana 2.9 stav (1), tačka 1. Izbornog zakona BiH („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 17/14, 31/16, 41/20, 38/22, 51/22, 67/22 i 24/24) predviđena **isključiva nadležnost** Centralne izborne komisije BiH da koordinira, nadgleda i regulira zakonitost rada svih izbornih komisija i biračkih odbora u skladu sa Izbornim zakonom BiH, te je odredbom člana 5. Upustva o načinu rada i izvještavanja izborne komisije osnovne izborne jedinice u Bosni i Hercegovini (broj:05-1-02-2-622-1/22 od 04.05.2022.. godine) utvrđeno da je izborna komisija **obavezna do 31.01 tekuće godine dostaviti Centralnoj izbornoj komisiji BiH izvještaj o radu za prethodnu godinu, dok radi informisanja Općinskog Vijeća Općine Maglaj isti prosljeđujemo nadležnoj službi Općine Maglaj.***

DOSTAVLJENO:

1. CIK BiH
2. Općinsko vijeće Općine Maglaj
3. Arhiva

  
PREDSJEDNIK OIK MAGLAJ  
Armin Bašić, mag.iur.